

kat.komp.



15910

I Mag. St. Dr. P

Innocentii PP. X: Breve de solvendiis
decimis per Regulares. D. 20 febr. 1546.

2422. Provo.

B R E V E

De solvendis Decimis per Regulares.

INNOCENTIUS PP. X.

Ad Futuram Rei Memoriam.



15910 I

Nuper pro parte Venerabilium Fratrum Archiepiscoporum; & Episcoporum, nec non dilectorum Filiorum totius Cleri Regni Poloniae, per dilectum etiam Filium Matthaeum Joannem Judicki Archidiaconum Pomeraniae noncupatum in Ecclesia Vladislaviensi, ejusdem Cleri in Curia Romana Agentem, quod alias, & sub die decima septima Junij,

) I (

Anni

Anni proximè præteriti M DC XXXV.
in Cauſa Decimarum ejuſdem Regni
à Venerabilibus etiam Fratribus no-
ſtris S. R. E. Cardinalibus, Sacri Con-
cilij Tridentini Interpretibus, ema-
navit Decretum, quod nos ſubinde
ſub die XXXI menſis Iulij, ejuſdem An-
ni, in Conſiſtorio noſtro ſecreto ap-
probavimus, tenoris qui ſequitur, vi-
delicet. *In cauſa Decimarum Regni Poloniae*
die 17. Iunij, 1645. Sacra Congregatio Emi-
nentiff. Cardinalium, Concilij Tridentini Inter-
pretum, iterum atq; iterum, auditis Regulari-
bus, & præcipuè Patribus Soc: Ieſu, eorumq;
Juribus & Privilegijs maturè diſcuſſis, cenſuit,
ab eiſdem Patribus & alijs Regularibus ſolven-
das eſſe Parochis, & alijs Beneficiatis Regni Po-
loniae Decimas, quæ ſolvebantur à Laicis, pri-
uſquam Bona in ipſorum Patrum, & aliorum
Regularium, proprietatem fuerunt translata;
firmis tamen remanentibus Transactionibus de-
ſuper factis. Quod Decretum emana-

vlt prævia exhibitione facta ab ipsis
Patribus, cui etiam Decreto postea cõ-
senserunt, prouti & Agens Cleri Regni-
Poloniæ. Die verò 31. Julij, 1645.
Sanctissimus Dominus Noster, Emi-
nentissimo Cardinali Præfeto refe-
rente, in Consistorio approbavit. Cùm
autem sicut eadem expositio subiun-
gebat, exponentes præfati Decretum
præinsertum, quo firmius subsistat, &
exactius observetur. Apostolicæ no-
stræ Confirmationis patrociniò com-
muniri summoperè desiderent. Idcir-
cò nos eosdem exponentes speciali-
bus favoribus, & gratijs prosequi vo-
lentes, & eorum singulares personas à
quibusvis Excommunicationis, suspen-
sionis, & interdicti, alijsq; Ecclesiasti-
cis sententijs, Censuris, & pœnis, à
Jure vel ab Homine quavis occasione,
vel causâ latis, si quibus quomodoli-


bet innodatæ existunt, ad effectum præsentium duntaxat consequendum, harum serie absolventes, & absolutas fore censentes. *Supplicationibus illorum nomine Nobis super hoc humiliter porrectis inclinati, Decretum præinsertum Apostolicam Authoritate tenore præsentium confirmamus, & approbamus illiq; ininviolabilis Apostolica firmitatis robur adjicimus & omnes ac singulos tam juris quam Facti defectus, si qui desuper quomodolibet intervenerunt, supplemus, salva tamen semper Autoritate Congregationis eorundem Cardinalium, decernentes præsentem literas validas, firmas, & efficaces, existere, & fore, suosq; plenarios, & integros effectus sortiri & obtinere, & ab omnibus & singulis quos illa concernunt, inviolabiliter & inconcussè observari, sicq; per quoscunq; Iudices Ordinarios & Delegatos, etiam Causarum Palatii Apostolici Auditores, judicari, & definiri debere, ac irritum & inane, si secus super his à quoquam, quavis Authoritate, scienter vel ignoranter contigerit attentari.* Quocirca Dilecto Filio No-
stro,

stro, & Sedis Apostolicæ in eodem
Regno pro tempore commoranti
Nuncio, per præsentés committimus,
& mandamus, quatenus ipse per se,
vel alium, seu alios, præsentés literas,
& in eis contenta quæcunq; ubi &
quando opus fuerit, ac quoties pro
parte exponentium præfatorum, seu
alicujus eorum desuper requisiti fue-
rint, solenniter publicatis, *eisq; in præ-*
missis efficacis defensionis presidio assistens, fa-
ciat Authoritate Nostra, illos præmissarum o-
mnium commodo, & effectum pacifice frui, & gau-
dere. Non permittentes illos desuper
à quoquam quavis Authoritate quo-
modolibet molestari. *Contradictores quos-*
libet & rebelles, ac præmissis non parentes, per
Censuras & pœnas Ecclesiasticas, aliq; oppor-
tuna juris & Facti remedia, Appellatione
postposita, compescendo, legitimisq; super his ha-
bendis servatis Processibus, sententias, Censuras
& pœnas ipsas, etiam iteratis vicibus aggra-
vando

vando. *Invocato etiam ad hoc, si fuerit opus,*
auxilio Brachij secularis. Non obstanti-
bus quatenus opus sit felicitis recor: Bo-
nifacij Papæ VIII. Prædecessoris no-
stri de una, & in Concilio Generali
edita de duabus Dietis, dummodo ul-
tra tres Dietas aliquis Authoritate præ-
sentium in Iudicium non trahatur, a-
lijſq; Constitutionibus & ordinationi-
bus Apostolicis, nec non ipsius Soci-
etatis, aliorumq; Regularium Ordinū,
etiam Juramento Cōfirmatione Apo-
stolica, vel alia quavis firmitate robo-
ratis, statutis, & consuetudinibus, Pri-
vilegijs quoq; & Indultis, & literis A-
postolicis, ipsi Societati, alijsq; Regu-
laribus Ordinibus seu Institutis præfa-
tis, illorumq; Domibus etiam Profes-
sis, Collegijs Monasterijs, & alijs locis
Regularibus, sub quibuscunque verbo-
rum tenoribus, & formis, ac cum qui-
busvis

busvis etiam Derogatoriarū Deroga-
torijs, alijsq; efficacioribus, & insolitis
clausulis irritantibusq; & alijs Decre-
tis in Genere, vel in Specie in contra-
rium præmissorū quomodolibet con-
cessis, confirmatis, & innovatis. *Qui-*
bus omnibus & singulis, etiamsi de illorum eo-
rumq; totis tenoribus specialis specifica, expres-
sa, & individua, ac de verbo ad verbum, non
autem per Clausulas Generales, idem importan-
tes mentio, seu quævis alia expressio habenda,
aut aliqua alia exquisita forma ad hoc servan-
da foret; illorum omnium & singulorum teno-
res præsentibus, pro plenè & sufficienter expres-
sis habentes, illis alias in suo robore permansu-
ris, ad præmissorum effectum specialiter & ex-
pressè derogamus: caterisq; contrarijs quibus-
cunq;. Datum Romæ apud Sanctum
Petrum sub Annulo Piscatoris,
die 21. Februarij, 1646. Pon-
tificatus nostri Anno 2.

M. A. Maraldus.



Biblioteka Jagiellońska



stdr0006940

